



Broj: 0101-920-6-1/17

Sarajevo, 20. 02. 2017. godine

Na osnovu člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku robe-Kompjuterska oprema i oprema za reprodukciju – LOT 6 – Software na preporuku Komisije za javnu nabavku broj: 0105-920-6/17 od 07. 02. 2017. godine, rektor je d o n i o

**ODLUKA**  
**o poništenju postupka javne nabavke**

**Član 1.**

U skladu sa članom 69. stav (2) Zakona o javnim nabavkama BiH, poništava se postupak javne nabavke KOMPJUTERSKA OPREMA I OPREMA ZA REPRODUKCIJU – LOT 6 – SOFTWARE, objavljenog dana 16.01.2017. godine na portalu javnih nabavki pod brojem 999-1-1-12-3-1/17, iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

**Član 2.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

**Član 3.**

Ova odluka stupa na snagu danom donošenja.

**O b r a z l o ž e n j e**

Na osnovu Odluke o pokretanju postupka javne nabavke broj: 0101-7984-2/16 od 29. 12. 2016. godine, Univerzitet u Sarajevu je pokrenuo otvoreni postupak za javnu nabavku robe – Kompjuterska oprema i oprema za reprodukciju za potrebe Univerziteta u Sarajevu.

Za provođenje postupka predmetne javne nabavke, Odlukom broj: 0101-7984-3/16 od 29. 12. 2017. godine, imenovana je Komisija za javnu nabavku u sastavu: doc.dr. Vensada Okanović, predsjedavajući, Almasa Tuhčić, član, Nina Begović, član, a za zamjenske članove su imenovani: Irfan Prazina, Azra Zvizdić i Karmel Sokanović.

Obavještenje o nabavci broj: 999-1-1-12-3-1/17 objavljeno je na Portalu javnih nabavki dana 16. 01. 2017. godine.

U periodu koji je ostavljen za preuzimanje tenderske dokumentacije kroz sistem e-nabavke, slijedeći ponuđači su preuzeli tendersku dokumentaciju: Infostrim d.o.o., Printex, BBS Europe, Ekapija doo, QSS d.o.o., Set Up s, Verso d.o.o., Rebus d.o.o., Dinnet, Emeding d.o.o., R&S d.o.o. Sarajevo, Kodeks d.o.o., Exclusive d.o.o., Mibo komunikacije d.o.o., Imtec d.o.o., Audio projekt d.o.o., Digital line d.o.o., Teknoxgroup bh d.o.o., Multimedijalni computer centar d.o.o., MMCC, FixIT d.o.o., Ping d.o.o., IT Systems, Biroservis d.o.o. Tuzla i Kamer Commerce d.o.o.

Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, od strane ponuđača, nije bilo zahtjeva za pojašnjenjem tenderske dokumentacije.

Iz Zapisnika Komisije za javnu nabavku je vidljivo da je dana 07. 02. 2017. godine u 10,15 sati Komisija za javnu nabavku izvršila javno otvaranje blagovremeno prispjele ponude ponuđača R&S d.o.o, Igmanska bb, 71000 Sarajevo i IMTEC d.o.o, Pijačna do br.114, 71000 Sarajevo te da na otvaranju ponuda nije bilo prisutnih predstavnika pouđača. Zapisnik sa otvaranja ponuda je 09.02.2017. poslat poštom svim ponuđačima.

Iz Zapisnika Komisije za javnu nabavku je vidljivo da se Komisija sastala dana 07. 02. 2017. godine, radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Komisija za javnu nabavku je utvrdila da **nema ponuđača koji se isključuju** zbog neispunjavanja uslova za kvalifikaciju, odnosno da ponuda nijednog ponuđača ne odbija na osnovu rezultata pregleda i ocjene ponuda.

Komisija za javnu nabavku je utvrdila da je pored zahtjevanih dokaza za kvalifikaciju, ponuđač Imtec d.o.o, Pijačna do br. 114, 71000 Sarajevo dostavio je i Izjavu o preferencijalnom tretmanu od 06.02.2017, datu u svrhu učešća u proceduri predmetne javne nabavke. Obzirom da se u predmetnoj nabavci radi o nabavci robe, a na osnovu Odluke o obaveznoj primjeni preferencijalnog tretmana koju je donijelo Vijeće ministara Bosne i Hercegovine („Službeni glasnik BiH, 83/16), za primjenu preferencijalnog tretmana, priznaje se dokaz da najmanje 50% ukupne vrijednosti od ponuđenih roba imaju porijeklo iz Bosne i Hercegovine. Tenderskom dokumentacijom broj: 0101-7984-5/16 od 13.01.2017. godine, pod tačkom 24. utvrđeni su potrebni dokazi kojim se dokazuje pravo na preferencijalni tretman domaćeg. Kako takav dokaz nije predložen, Komisija je konstatovala da se na ponudu ponuđača Imtec d.o.o, Pijačna do br. 114, 71000 Sarajevo, ne može primijeniti preferencijalni tretman.

Nakon izvršene računске kontrole ponuda, Komisija je utvrdila da u ponudama ponuđača nije bilo računskih grešaka, odnosno da su ponude ponuđača računski tačna.

Komisija je nakon računске kontrole dostavljenih ponuda, izvršila rangiranje prihvatljivih ponuda:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	R&S d.o.o, Igmanska bb, 71320 Vogošća	0,00 KM	2.643,00KM bez PDV-a Nema popusta PDV=449,31 KM 3.092,31 KM sa PDV-om
2.	Imtec d.o.o, Pijačna do br.114, Sarajevo	0,00 KM	2.875,00KM bez PDV-a Nema popusta PDV=488,75 KM 3.363,75 KM sa PDV-om

Obzirom da je procijenjena vrijednost nabavke za Kompjutersku oprema i opremu za reprodukciju - LOT 6 – Software procijenjena na 1.400,00 KM, te da su cijene prihvatljivih ponuda znatno veće od osiguranih sredstava za predmetnu nabavku, Komisija za javnu nabavku je predložila rektoru da donese odluku o poništenju postupka nabavke za postupak javne nabavke Kompjuterska oprema i oprema za reprodukciju - Lot 6 – Software.


Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

Rektor  
*Je* Prof. dr. Rifat Škrijelj



#### **Dostaviti:**

1. R&S d.o.o, Igmanska bb, 71320 Vogošća
2. Imtec d.o.o, Pijačna do br.114, Sarajevo
- 3) web stranica
4. u dosije javnih nabavki
5. a/a

**Prilog:** Zapisnik o pregledu i ocjeni ponuda